



Unioni de is Comunas de su Partiola e de su Campidanu de Bàsciu

Progetu "Sa Lingua Sarda 2", Avisu TuLIS - Annualidadi 2023



Comunu de Barrabi



Comunu de Partiola/Sici



Comunu de Donori



Comunu de Serdiana



Comunu de Sètimu



Comunu de Solèminis



Regioni Autònoma de Sardigna - Lei 482/99 e L.R. 22/2018

DONORI



Territòriu

Ingiriada de coddus totu bìngias e olias, sa bidda de Donori càstiat conca a nord, e est a is peis de unu montixeddu isolau, su Monte Zurru, chi fait de làcana naturali a sa bidda, ma dda ponit puru a intru de su camminu de sa lìnia ferroviària chi pigat totus is comunus de su Partiola: Patiolla/Sici, Solèminis, Barrabi, Serdiana, e si incamminat bia a is biddas prus a intru.

Un'atru trèmini naturali chi at ocasionau sa conformatzioni de sa bidda est cussu de s'arriu Coxinas, chi sighit su camminu est-ovest, donendi bisura de una lìnia, chi ant sighiu candu ant postu is ortus a canta de sa bidda.

Su territòriu de Donori est mannu unus 35 kmq e fait làcana cun su territòriu de Barrabi, Samatzai, Sant'Andria de Frius, Serdiana e Ùssana; conca a est, intamis, su paesàgiu de coddus si acòstiat a is montis de su Sàrrabus-Gerrei.

Su territòriu si prazit in duus arrogus principalis, aundi po su prus si faint traballus de sartu: sa parti prus prana a ingìriu de sa bidda est po is manixus, is bìngias e is olias, in sa parti prus pagu prana ddoi funt is allevadoris.

In su territòriu de su comunu nci passat s'arruga statali SS 387, unu camminu de comunicatzioni de importu mannu, chi in is sèculus at favorèssiu is cuncàmbius cun is biddas prus a intru, chi faiant sa tramudantza de is logus de Gerrei e de Brabaxa.